

**LAERSKOOL LOCHNERHOF**  
 Sarel Cilliersstraat, Strand / Posbus 124, Strand  
 Tel: 021-854 7316 / Faks: 021-853 4711  
 E-pos: admin@lochnerhof.co.za  
 Webtuiste: www.lochnerhof.co.za  
 SMS: LH (gevolg deur boodskap) na 34050



## **NUUSBRIEF 15 VAN 2012**

### **UIT DIE HOOF SE PEN**

#### **ONS DROOM GROOT MET AKSIE**

##### **In Son en Reën**

Tevredenheid het niks te doen met wat in my lewe aangaan nie - en als met wat in my hart aangaan, skryf Mayo Mathers in *Christianity Today International*.

Die apostel Paulus het dit goed verstaan: "Die lewe het my al geleer om klaar te kom met wat ek het, maak nie saak wat gebeur nie ... Ek is en bly altyd tevrede, wat my ookal tref. (Filippense 4:12, Die Boodskap).

Of ek tevrede is of nie, hang als af van die lysie waarop ek fokus: op dit wat God nie vir my gedoen het nie, of op dit wat Hy wel vir my gedoen het.

Wanneer ek op Sy goedheid mediteer, herinner dit my dat my omstandighede perfek is - omdat dit net mooi die plek is waar God my wil hê.

Bron: Leeftydskrif

## **DAGBOEK / SPORT**

<b>MAANDAG, 21 MEI</b>	<b>WETENSKAPWEEK</b> <b>MAUREEN SE KITAARKONSERT TE BEAUMONT LAERSKOOL</b>
<b>DINSDAG, 22 MEI</b>	<b>BREINBOELIES</b>
<b>WOENSDAG, 23 MEI</b>	<b>HAARINSPEKSIE</b>  <b>NETBAL VS HENDRIK LOUW (WEG)</b> <b>RUGBY VS DE HOOP (WEG)</b>
<b>DONDERDAG, 24 MEI</b>	<b>HOKKIE VS HENDRIK LOUW EN KHAYELITSHA (TUIS)</b>
<b>VRYDAG, 25 MEI</b>	<b>GR.1-7 KUIEROOGGEND VIR ALLE OUERS</b>  <b>LANDLOOP (STRAND - DEEP BLUE)</b> <b>SKAAK VS OKLAHOMA (WEG)</b>
<b>SATERDAG, 26 MEI</b>	<b>GR.1 BEKENDSTELLINGSDAG</b>  <b>GR.7-FONDSINSAMELING: WILD WEST DERBY (STADSAAL)</b>

## GRONDSLAGFASE

Respek is vir 'n kind 'n grootwoord. Een van die belangrikste aspekte in 'n skoolopset, is vir kinders om te luister wanneer die onderwyser praat – net dan kan leer plaasvind. As ons ons kinders kan leer om te luister wanneer 'n volwassene met hulle praat en om die persoon in die oë te kyk, bou ons die basiese boustene van 'n gesonde same-lewing. Help ons asseblief om hierdie konsep van respek vas te lê.

**Ware woorde:** Nommer 3 van 10 beloftes

*As jy My liefhet, sal My naam nooit 'n vloekwoord oor jou lippe kan wees nie, maar in alle omstandighede deur jou eerbiedig en gerespekteer word!*

**Etiket: Ons mag nie ander mense se gesprekke afluister nie.**

## INTERMEDIËRE EN SENIOR FASE

Ons herinner al ons leerders en ouers aan die toetsreeks wat geskryf word vanaf 11 – 15 Junie. 'n Spesiale toetsperiode gaan in hierdie week ingeruim word en daarna word die normale dagprogram gevolg. Derhalwe gaan kosbare onderrigtyd nie verlore nie.

Sien asseblief ook toe dat u kind elke dag sy / haar huiswerk afskryf en teken asseblief die huiswerkboeke gereeld. Die afskryf van huiswerk bly die kind se verantwoordelikheid en daarom het elke leerder aan die begin van die jaar 'n huiswerkboek ontvang. As gevolg van talle kragonderbrekings wat ons die afgelope tyd ondervind is dit nie altyd moontlik om die huiswerk op die webbladsy op datum te hou nie. Baie dankie aan al ons ouers wat aktief betrokke is by hul kinders se akademie en vir die positiewe insette wat ons gereeld ontvang.

**Redenaars-en-Musiekaand (gr.4-7)** vind plaas op Donderdag, 31 Mei. Indien 'n leerder sou belangstel om deel te neem, gee gerus jou naam vir juf. Elsabé Gous (gr.7A). Ons sien uit daarna om na julle te luister!

# Lochie van die Week

**GR.1 JACO STROM**

**JANÉL STEYN**

**GR.2 LINDA SNYMAN**

**GR.3 EMILE MOSTERT**

**GR.4 JOANÉ BRAND**

**GR.5 KRISTIN MEYER**

**GR.6 LINDIE GEYER**

**GR.7 TRUNETTE GERBER**

**SCHALK BOTHA**

**SAMANTHA REYNECKE**

**NICOLE SWART**

## SPORT

Baie geluk aan **Christiaan Goosen** (gr.6) en **Sasckya Viljoen** (gr.6) wat opgeneem is in die Boland O/13 Pluimpalspan.

**Estie Jacobs** ontvang by Boland Gimnastiek 'n goue medalje - baie geluk.

Baie geluk aan **Daneeka Jefthas** O/12 en **Chantel Barker** O/13 wat WP-kleure in netbal ontvang het.

Verlede week het ek die algemene persentasie vir Wintersport deurgegee. Opgebreek lyk dit soos volg:

55 % van ons seuns speel rugby; 49 % van ons dogters speel hokkie;

46 % van ons dogters speel netbal; 41 % van ons seuns speel hokkie;

5 % van ons leerders doen skaak

5 % van ons leerders doen landloop.

### PERSONALIA

Baie geluk aan **juffrou Louise Buys** (gr.3D) wat verlede week haar verjaarsdag gevier het.

### SIMPATIE

Ons innige simpatie aan Ethan Krynauw (gr.3) wat sy mamma verlede week verloor het. Ons gebede is met die Krynauw-familie.

## WETENSKAPWEEK

Ons hou weer Wetenskapweek 21-25 Mei. Ons leerders gaan weer pret hê deur bv. te kom vertel van 'n interessante uitvinder en aan te trek soos 'n Suid-Afrikaanse uitvinder of wetenskaplike. Daar sal pryse wees vir die beste 3. Daar sal ook NW-vasvrae gehou word waar die topleerders 'n prys sal ontvang. Moet ook nie vergeet van ons Breinboelies met interessante Wetenskaponderwerpe nie.

Gedurende 18-21 Junie gaan die African Sky Planetarium in Lochie-land kom kuier waar ons die hemelruim gaan bestudeer. Dit vorm ook deel van die Wetenskapweek, maar weens ons akademiese program, kan ons hulle eers in die laaste week van die kwartaal akkomodeer. (Daar sal onkostes aan verbonde wees met die besoek)

## INSKRYWINGS GR. RR en R vir 2014

Buite-aansoeke (kinders wat nie tans by Lochnerhof skoolgaan nie) vir bogenoemde kan alreeds gedoen word. Die aansoekvorms kan by die skool verkry word.


Ons aanvaar egter nog **nie gr.1-aansoeke vir 2014 nie.**

Aansoek om **NASORG** vir 2014 kan eers in Januarie 2013 gedoen word.

**NEEM KENNIS!**

## AGTERSTALLIGE SKOOLGELDE

Beide ouer/s of voog/de aanvaar aanspreeklikheid, gesamentlik en afsonderlik, vir betaling van skoolgeld soos dit deur die Skolewet bepaal is, ongeag wie die leerder inskryf. Ouers word 2 keer per SMS en/of telefonies herinner om agterstallige skoolgelde op datum te bring. Indien u nie reageer of reëlings tref nie, word u per registreerde skrywe in kennis gestel dat u aan ons prokureurs oorhandig gaan word, wat dan die regsproses sal volg.



# WILD WEST DERBY

KOM GENIET 'N PERDEWEDREN  
IN 'N HEEL NUWE STYL  
MET MUSIEKVERMAAK  
DEUR DIE ORKEST 3D

SATERDAG, 26 MEI 2012

18:30 VIR 19:00

STRAND STADSAAL

DRAG: WILD WEST

KOSTE: R150 PER PERSON

DERBY, DANS, ETE EN 3D ORKEST!!

KONTANTKROEG BESKIKBAAR

**KAARTJIES TE KOOP BY DIE SKOOL**